



mobi

epub

fb2

pdf

Оригинал: pdf 55Мб

Искать в этой книге



Службы Страстной седмицы Великого Поста

◀ Служба во Святой и Великий
Вторник

Служба во Святой и Великий
Четверг ▶

Служба во Святую и Великую Среду

Послѣдование ѹтрени.

Священник: Благословѣн Бог наш:

И совершается послѣдование ѹтрени, якоже в Великий понедѣльник (зри сноску № 5).

И чтѣтся кафисма 14 (псалмы 101–104).

Седален, глас 3:

Подобен: Красотѣ девства:

Блудница приступи к Тебѣ, міро со слезами, изливаяши на нозе Твоѣ, Человеколюбче, и смрада зол избавляется повелѣнием Твоим: дыша же благодать Твою ученик неблагодарный, сию отлагает и смрадом одевается, сребролюбием продаѣ Тебѣ: слава, Христѣ, благоутробию Твоему.

Слава, и ныне: Блудница приступи к Тебѣ:

И чтѣтся кафисма 15 (псалмы 105–108).

Седален, глас 4:

Подобен: Удивися Иосиф:

Иуда льстец, сребролюбия рачительствуяй, предати Тя, Господи, Сокровище Живота, лѣстно поучашеся. Отонудуже и упився, течет ко иудеом, глаголет беззаконным: что ми хотите дати, и аз вам предам, во еже распяти Его?

Слава, и ныне: Иуда льстец, сребролюбия рачительствуяй:

И чтѣтся кафисма 16 (псалмы 109–117).

Седален, глас 1:

Подобен: Гроб Твой:

Блудница в плаче вопияше, Щедре, отираючи тепле пречистей Твоѣ нозе власы главы своея, и из глубины стенищи: не отрини мя, ниже омерзѣ, Боже мой: но приими мя кающуюся, и спаси, яко един Человеколюбец.

Сла́ва, и ны́не: **Блудни́ца** в пла́че вопия́ше:

Посём диа́кон возглаша́ет: И о сподо́битися нам слы́шанию Свята́го Ева́нгелиа, Го́спода Бо́га мо́лим.

Лик: Го́споди, поми́луй. (Три́жды).

Диа́кон: Прему́дрость, прости, услы́шим Свята́го Ева́нгелиа.

И священник: Мир всем.

Лик: И ду́хови тво́ему.

И а́бие священник возглаша́ет: От Ио́анна Свята́го Ева́нгелиа чтéние.

Лик: Сла́ва Тебе́, Го́споди, сла́ва Тебе́.

Диа́кон: Во́ннем.

И четт священник Ева́нгелие:

Во вре́мя о́но, свидéтельствoваше наро́д сый со Иису́сом, егда́ Ла́заря возгласи́ от грóба, и воскреси́ егó от мёртвых. Сего́ ра́ди и срéте Егó наро́д, я́ко слы́шаша Егó сие́ сотвори́ша зна́мение. Фарисе́е же рéша к себе́: ви́дите, я́ко ника́я же по́льза е́сть, се мир по Нем идёт. Бя́ху же не́цыи е́ллини от вше́дших, да поклóняются в прáздник. Си́и у́бо приступи́ша к Фили́ппу, и́же бе от Вифса́иды Галиле́йския и моля́ху егó, глаго́люще: Го́споди, хóщем Иису́са ви́дети. При́иде Фили́пп и глаго́ла Андре́ови: и па́ки Андре́й и Фили́пп глаго́ласта Иису́сови. Иису́с же отве́ща́ има, глаго́ля: при́иде час, да просла́вится Сын Чело́веческий. Ами́нь, ами́нь, глаго́лю вам: а́ще зéрно пше́нчно пад на земл́и не у́мрет, то еди́но пребы́вает: а́ще ли у́мрет, мног плод сотвори́т. Любя́й ду́шу свою́, погуби́т ю́: и ненави́дяй ду́шу свою́ в ми́ре сем, в живoтé вéчном сохрани́т ю́. А́ще кто Мне служит, Мне да послéдствует: и иде́же есмь Аз, ту и слуга Мой бу́дет. И а́ще кто Мне служит, почтит егó Оте́ц Мой. Ны́не ду́ша Моя́ возму́тися, и что́ реку́? Оте́че, спаси́ Мя от часа́ сего́: но сего́ ра́ди приидо́х на час сей. Оте́че, просла́ви И́мя Твоё. При́иде же глас с Небесé: и просла́вих, и па́ки просла́влю. Наро́д же сто́яй слы́шав, глаго́лаху: гром бы́сть. Инии глаго́лаху: а́нгел глаго́ла Емý. Отве́ща Иису́с и рече́: не Мене́ ра́ди глас сей бы́сть, но наро́да ра́ди. Ны́не суд е́сть ми́ру сему́: ны́не князь ми́ра сего́ изгна́н бу́дет вон. И а́ще Аз вознесён бу́ду от земл́и, вся привлеку́ к Себе́. Сие́ же глаго́лаше, назна́менуя, ко́ею смёртию хотя́ше умре́ти. Отве́ща Емý наро́д: мы слы́шахом от за́кона, я́ко Христóс пребы́вает во вéки: ка́ко Ты глаго́леши, вознести́ся подобáет Сы́ну Чело́веческому, кто́ е́сть сей Сын Чело́веческий? рече́ же им Иису́с: е́ще мало вре́мя Свет в вас е́сть: ходи́те, дóндеже Свет имате, да тьма вас не имет: и ходя́й во тьме, не ве́сть ка́мо идёт. Дóндеже Свет имате, веруйте во Свет, да сы́нове Свéта бу́дете. Сия́ глаго́ла Иису́с, и отше́д скры́ся от них. Толи́ка зна́мения сотвори́шу Емý пред ни́ми, не ве́роваху в Него́. Да сбóдется сло́во Иса́ии проро́ка, е́же рече́: Го́споди, кто ве́рова слóху на́шему; и мы́шца Го́спoдня кому́ откры́ся? Сего́ ра́ди не можа́ху ве́ровати, я́ко па́ки рече́ Иса́иа. Слепи́ очи́ их, и ока́менил е́сть сердца́ их, да не ви́дят очима́, ни разуме́ют се́рдцем, и обратя́тся, и исцелю́ их. Сия́ рече́ Иса́иа, егда́ ви́де сла́ву Егó, и глаго́ла о Нем. Обáче у́бо и от князь мно́зи и ве́роваша в Него́; но фарисе́й ра́ди не испове́доваху, да не из со́нмищ изгна́ни бу́дут, возлюб́иша бо па́че сла́ву чело́веческую, не́же сла́ву Бо́жию. Иису́с же воззва́ и рече́: ве́руяй в Мя, не ве́рует в Мя, но в посла́вшего Мя. И ви́дяй Мя, ви́дит посла́вшего Мя. Аз

свет в мир приидо́х, да всяк ве́руяй в Мя, во тьме не пребу́дет. И а́ще кто услы́шит глаго́лы Моя́ и не ве́рует, Аз не сужду́ ему́: не приидо́х бо, да сужду́ ми́рови, но да спасу́ мир. Отмета́йся Мене́ и не прие́мляй глаго́л Мои́х, има́ть Судяща́го ему́: сло́во е́же глаго́лах, то су́дит ему́ в послéдний день. Я́ко Аз о Себе́ не глаго́лах: но посла́вый Мя Оте́ц, Той Мне запове́дь даде́, что ре́ку и что возглаго́лю. И вем, я́ко за́повесть Его́ живо́т ве́чный е́сть: я́же у́бо Аз глаго́лю, я́коже рече́ Мне Оте́ц, та́ко глаго́лю.

Лик: Сла́ва Тебе́, Го́споди, сла́ва Тебе́.

Та́же, чтéтся псалом 50.

Посéм: Спаси́, Бо́же, лю́ди Твоя́ и благослови́ достоя́ние Твое́, посети́ мир Твой ми́лостию и щедро́тами, возвы́си рог христиа́н правосла́вных, и низпосли́ на ны ми́лости Твоя́ богáтыя; моли́твами Всепречи́стыя Влады́чицы наше́й Богоро́дицы и Присноде́вы Мари́и: си́лою Честна́го и Животворя́щаго Креста́; предста́тельства Честны́х Небе́сных Си́л безплóтных; честна́го сла́внаго проро́ка, Предте́чи и Крестите́ля Иоáнна; святы́х сла́вных и всехва́льных апо́стол; я́же во святы́х оте́ц на́ших и вселéнских вели́ких учи́телей и святите́лей Васи́лия Вели́каго, Григо́рия Богосло́ва и Иоáнна Златоу́стаго; я́же во святы́х Отца́ на́шего Нико́лая, архиепи́скопа Мир Лики́йских, чудотворца́; я́же во святы́х Оте́ц на́ших Мефо́дия и Кири́лла, учи́телей словéнских; Свята́го равноапо́стольнаго вели́каго князя Влади́мира и Святы́я равноапо́стольныя вели́кия княги́ни Ольги; я́же во святы́х оте́ц на́ших все́я Росси́и чудотворцев Миха́йла, Петра́, Алекси́я, Ио́ны, Фили́ппа и Еρμοге́на; святы́х сла́вных и добропобе́дных му́чеников; преподо́бных и богонóсных оте́ц на́ших: святы́х и пра́ведных Богооте́ц Иоакима́ и А́нны (и свята́го, **и́мярек**, е́гоже е́сть храм) и всех святы́х, мо́лим Тя, Многоми́лостиве Го́споди, услы́ши нас, грéшных, моля́щихся Тебе́, и поми́луй нас.

Лик: Го́споди, поми́луй. (12).

Свяще́нник: Ми́лостию и щедро́тами, и человеколю́бием.

Лик: Ами́нь.

Посéм трипéснец, творéние господи́на Космы, глас 2. Ирмо́сы по два́жды, тропари́ на 12: последи́ же ирмо́с, оба́ ли́ка вку́пе.

Песнь 3

Ирмо́с: На ка́мени мя ве́ры утверди́в, расшири́л еси́ уста́ моя́ на враги́ моя́, возвесели́ бо ся дух мой внегда́ пéти: несть свят, я́коже **Бог** наш, и несть пра́веден, па́че Тебе́, Го́споди. (Два́жды).

Припе́в: Сла́ва Тебе́, Бо́же наш, сла́ва Тебе́.

Во тщéтных собори́ще беззако́нных, и мы́слию собира́ется злона́вною, осужде́на Изба́вителя изреши́ Тя, Христé. Ему́же поём: Ты еси́ **Бог** наш, и несть свят па́че Тебе́, Го́споди. (6 раз).

Сла́ва Тебе́, Бо́же наш, сла́ва Тебе́.

Лю́тый совет беззако́нных, притворя́ется богобо́рныя души́ су́щия, я́ко злоупотре́бна, пра́веднаго уби́ти Христá. Ему́же поём: Ты еси́ **Бог** наш, и несть свят па́че Тебе́, Го́споди. (4 раза).

Сла́ва: Лю́тый сове́т беззако́нных:

И ны́не: Лю́тый сове́т беззако́нных:

Та́же о́ба ли́ка вку́пе пою́т ирмо́с: На ка́мени мя ве́ры утве́рдив:

Посе́м ектениа́ ма́лая.

Возгла́с: Ты бо еси́ Ца́рь ми́ра:

Та́же, конда́к, глас 4:

Подобен: Вознесы́йся:

Па́че блудни́цы, Бла́же, беззако́нновав, слез ту́чи ника́коже Тебе́ принесо́х; но молча́нием моля́ся припа́даю Ти, любо́вию облобыза́я пречи́стей Твоей но́зе: я́ко да оста́вление мне я́ко Вла́дыка подáси долго́в, зову́щу Ти, Спа́се: от скве́рных дел мо́их изба́ви мя.

Икос: Я́же пе́рвее блудни́ца жена́, внеза́пу цело́му́дренна яви́ся, возненави́девши дела́ студи́наго греха́ и сла́дости теле́сныя, помина́ющи студ мно́гий и суд муче́ния, егоче́ претер́пят блудни́цы и скве́рнии, от ни́хже пе́рвый есмь аз, и бою́ся: но пребыва́ю в злом обы́чаи безу́мный. Блудна́я же жена́ убо́явшись, и потща́вшись ско́ро при́иде, вопию́щи ко Иза́вителю: Чело́веколю́бче и Ще́дре, от скве́рных дел мо́их изба́ви мя.

Песнь 8

Ирмо́с: Глаго́л мучи́телей поне́же превозмо́же, седмери́цею печь разжже́на бысть ино́гда, в нейже о́троцы не опа́лишася, ца́рево попра́вше веле́ние, но вопия́ху: вся дела́ Госпо́дня Го́спода по́йте и превозно́сите во вся ве́ки. (Два́жды).

Сла́ва Тебе́, Бо́же наш, сла́ва Тебе́.

Излива́ющи жена́ ми́ро честное́, Вла́дычню и Божество́нному Стра́шному верху́, Христе́, следо́в Твои́х пречи́стых прикосну́ся оскверне́ныма длáнма и вопия́ше: вся дела́ Госпо́дня Го́спода по́йте и превозно́сите во вся ве́ки. (4 ра́за).

Сла́ва Тебе́, Бо́же наш, сла́ва Тебе́.

Слезáми омы́вает но́зе, повинна́я грехо́м, Созда́вшего и отира́ет власы́ Свои́ми. Те́мже в жити́и соде́янных не погреси́и изба́вления, но вопия́ше: вся дела́ Госпо́дня Го́спода по́йте и превозно́сите во вся ве́ки. (4 ра́за).

Сла́ва Тебе́, Бо́же наш, сла́ва Тебе́.

Священноде́йствуется изба́вление благона́вней, от спаси́тельных утроб́ же и слез исто́чника, в Не́мже испове́данием измы́вшись, не стыдя́шеся, но вопия́ше: вся дела́ Госпо́дня Го́спода по́йте и превозно́сите во вся ве́ки. (Два́жды).

Благосло́вим Отца́, и Сы́на, и Свята́го Ду́ха, Го́спода.

Священноде́йствуется изба́вление благона́вней:

И ны́не: Священноде́йствуется изба́вление благона́вней:

И áбие: Хвали́м, Благосло́вим, покланя́емся Го́сподеви, пою́ще и превозно́сяще во вся ве́ки.

Та́же, о́ба ли́ка вку́пе пою́т ирмо́с: Глаго́л мучи́телей поне́же:

Честнѣйшую: **не поём, но áбие:**

Песнь 9

Ирмос: Душа́ми чи́стыми и нескве́рными устна́ми, прииді́те возвели́чим Нескве́рную и Пречи́стую Ма́терь Еммануи́леву, Ё́юже из Нея́ к Рожде́нному принося́ще моли́тву: пощади́ ду́ши на́ша, Христé Бóже, и спаси́ нас. **(Два́жды).**

Сла́ва Тебе́, Бóже наш, сла́ва Тебе́.

Неразу́мен я́влься, и лука́в ревнообра́зник, дар достойно Божѣствен сло́вом продаёт, ѿмже долг разреши́ся грехо́в, кра́дый лю́тый Иу́да любобоже́ственную благода́ть, пощади́ ду́шы на́ша, Христé Бóже, и спаси́ нас. **(4 ра́за).**

Сла́ва Тебе́, Бóже наш, сла́ва Тебе́.

Глаго́лет шед беззако́нным князе́м: что́ ми хо́щете да́ти, и аз Христá вам иско́маго хотя́щим преда́м, присво́ение Христóво Иу́да отринувый златом; пощади́ ду́шы на́ша, Христé Бóже, и спаси́ нас. **(4 ра́за).**

Сла́ва Тебе́, Бóже наш, сла́ва Тебе́.

О слепóтнаго сребролю́бия, нечесті́ве, отону́дуже забвѣние получи́л еси́, я́ко душі́ ника́коже равносто́ятелен мир, я́коже научи́лся еси́: отча́янием бо сам себе́ удави́л еси́, вжѣгся, преда́телю: пощади́ ду́шы на́ша, Христé Бóже, и спаси́ нас. **(Два́жды).**

Сла́ва: О слепóтнаго сребролю́бия, нечесті́ве:

И ны́не: О слепóтнаго сребролю́бия, нечесті́ве:

Та́же, оба́ ли́ка вку́пе пою́т ирмос:

Душа́ми чи́стыми и нескве́рными устна́ми, прииді́те, возвели́чим Нескве́рную и Пречи́стую Ма́терь Еммануи́леву, Ё́юже из Нея́ к Рожде́нному принося́ще моли́тву: пощади́ ду́шы на́ша, Христé Бóже, и спаси́ нас.

Посѣм ектені́а ма́лая:

Возглас: Я́ко Тя хва́лят вся Сі́лы Небе́сных:

Посѣм канона́рх, стоя́ посреде́ цѣркве, поёт ексапостила́рий:

Чертóг Твой ви́жду, Спа́се мой, украше́нный, и оде́жды не ѿмам, да вни́ду в онь: просвети́ оде́яние душі́ моея́, Светода́вче, и спаси́ мя.

Сла́ва: **Чертóг Твой ви́жду, Спа́се мой:**

И ны́не: **Чертóг Твой ви́жду, Спа́се мой:**

Чтец четет псалмы́ обы́чныя (зри на ўтрени Вели́каго понеде́льника, сноска № 7).

И поём стихи́ры самогла́сны на 4. Глас 1 .

Стих: Хвали́те Егó на сі́лах Егó, хвали́те Егó по мно́жеству вели́чества Егó.

Тебе́, Дѣвыя Сы́на, блудни́ца, позна́вши Бога, глаго́лаше, в пла́чи моля́щися, я́ко слез досто́йная соде́лавшая: разреши́ долг, я́коже и аз власы́: возлю́би лю́бящую, пра́ведно ненави́димую, и близ мытарей Тебе́ проповѣ́м, благоде́телю Чело́веколю́бче.

Стих: Хвалите Его во гласе трубнем, хвалите Его во псалтыри и гуслех.

Многоценное миро блудница смесит со слезами, и излиет на пречистей ноге Твоей, облобызая: оную абие оправдал еси, нам же прощение даруй, пострадавший о нас и спаси нас.

Стих: Хвалите Его в тимпане и лице, хвалите Его во струнах и органе.

Егда грешная приношаше миро, тогда ученик соглашашеся пребеззаконным. Оная убо радовашеся, истощая миро многоценное: сей же тщашеся продать безценного. Сия Владыку познаваше, а сей от Владыки разлучашеся. Сия свободяшася, а Иуда раб бываше врагу. Люто есть леньность, велие покаяние: еже мне даруй, Спасе, пострадавший о нас, и спаси нас.

Стих: Хвалите Его в кимвалех dobroglasnykh, хвалите Его в кимвалех восклицания. Всякое дыхание да хвалит Господа.

О, Иудина окаянства! зряше блудницу целующую стопы, и умышляше лестию предания целование. Оная власи разреши, а сей яростию вязашеся, нося вместо мира злосмрадную злобу. Зависть бо не весть предпочитати полезное. О, Иудина окаянства! от негоже избави, Боже, души наша.

Слава: Глас 2: Грешная течет к миру, купити многоценное миро, еже помазати Благодетеля, и Мироводателю вопияше: даждь ми миро, да помажу и аз Очиштившаго вся мой грехи.

И ныне: Глас 6: Погруженная грехом обрете Тя, Пристанище спасения, виждь и мира со слезами растворяющую, Тебе вопияше: виждь согрешающих покаяния ожидая, но, Владыко, спаси мя от волны греховныя, великия ради Твоея милости.

Чтец: Слава Тебе, показавшему нам свет.

Слава в вышних Богу, и на земли мир: (зри на утрени Великого понедельника, сноска № 8).

Ектения: Исполним утреннюю молитву нашу Господеву: (зри сноску № 9).

И после ектений поют оба лика стихирь самогласны на стиховне, глас 6:

Днесь Христос приходит в дом фарисеев, и жена грешница, приступивши к ногам, валяшеся вопиючи: виждь погруженную грехом, отчаянную деяний ради, негнушаемую от Твоея благодати: и даждь ми, Господи, оставление злых, и спаси мя.

Стих: Исполнимся завтра милости Твоея, Господи, и возрадовахомся, и возвеселихомся: во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их.

Простре блудница власи Тебе, Владыце, простре Иуда рuce беззаконным: оба убо прийти оставление, ов же взяти сребреники. Темже Тебе вопием проданому, и свободившему нас, Господи, слава Тебе.

Стих: И буди светлость Господа Бога нашего на нас, и дела рук наших исправи на нас, и дело рук наших исправи.

Приступит жена злосмрадная и оскверненная, слезы проливая, любящи,

Спасе, страсть исповедаючи: како воззрю к Тебѣ, Владыце? Сам бо пришёл еси спасти блудницу: из глубины умершую мя воскреси, Иже Лазаря воздвигнувший из гроба четверодневна: прими мя, окаянную, Господи, и спаси мя.

Стих: Исповемся Тебѣ, Господи, всем сердцем моим, повею вся чудеса Твоя.

Отчаянная жития ради, и уведома нравом ради, мира носящая приступи Тебѣ вопиючи: да не отвержешь мене блудную, Родивыйся от Девы: да не презриши моя слезы, Радосте Ангелов. Но прими мя кающуюся, юже не отринул еси согрешающую, Господи, великия ради Твоея милости.

Слава, и ныне: **Самогласен, глас 8 . Творение Кассианы инокини:**

Господи, иже во многия грехи впадшая жена, Твое ощутившая Божество, мирносицы взявши чин, рыдаючи миро Тебѣ прежде погребения приносит, увя мне! глаголющи, яко ночь мне есть разжжение блуда неводержанна, мрачное же и безлунное рачение греха. Прими моя источники слез, Иже облаками производи моря воду, приклони к моим воздыханием сердечным, приклонивый Небеса, неизреченным Твоим истощанием: да облобыжу пречистей Твоей ноге, и отру сия паки главы моей власы, ихже в рай **Ева**, по полудни, шумом уши огласивши, страхом скрися. Грехов моих множества, и судеб Твоих бездны кто изследит? Душеспасче Спасе мой, да мя, Твою рабу, не презриши, Иже безмерную имея милость.

Чтец: Благо есть исповедатися: и прочая из последования утрени и часов, якоже в Великий понедельник (зри сноску № 5).

На 6 -м часе после пения тропарей часа и чтения Богородична: Яко не имамы дерзновения: **чтец возглашает:**

Тропарь пророчества, глас осмый⁵⁰ :

Днесь лукавое собрася сонмище, и на Тя тщетная поучишася. Днесь от согласия удушение Иуды обручает, Каиафа же неволею исповедует: яко един за всех восприимлеси **смерть** волю. Избавителю наш, Христѣ Боже, слава Тебѣ.

Слава, и ныне: **Днесь лукавое собрася сонмище:**

Священник: Вонмем.

Чтец: Прокимен, глас четвертый: **Благословит** тя Господь от Сиона, сотворивый Небо и землю.

Лик: **Благословит** тя Господь от Сиона, сотворивый Небо и землю.

Чтец, стих: Се, ныне благословите Господа вси рабы Господни.

Лик: **Благословит** тя Господь:

Чтец: **Благословит** тя Господь от Сиона.

Лик: **Сотворивый** Небо и землю.

Священник: Премудрость.

Чтец: Пророчества Иезекиилева чтение.

Священник: Вонмем.

Чтец: Рече (Господь) ко мне: сыне человек, послю тя аз к дому Израилеву,

огорчевáющим Мя, ѿже огорчѣша Мя, сáми и отцѣ их отвергóшася Менé до днѣшняго дне. И сѣнове жестоколѣчнии, и твердосердѣчнии: Аз послѣю тя к тем и речѣши к ним: Тáко глаголет Адонай Госпóдь. Áще ўбо услышат или ўбоятся: занé дом огорчевáй есть, и позна́ют, я́ко проро́к есѣ ты посреде́ их. И ты, сѣне челове́чь, да не убойшися их, ни ужасáйся от лицá их: занé разсверéпеют и обы́дут тя о́крест, посреде́ бо скорпѣев ты живѣши: словéс их не убойся и от лицá их не ужасáйся, занé дом огорчевáй есть. И возглагóлеши словеса́ Моя к ним, áще ўбо услышат, или ўбоятся, занé дом прогнѣваяй есть. И ты, сѣне челове́чь, послу́шай глаголющаго к тебѣ, не бѹди огорчевáй, я́коже дом преогорчевáй: отвѣрзи уста́ тво́я, и снеждь, я́же Аз даю тебѣ. И вѣдех, и се рука простѣрта ко мне, и в ней свѣток кнѣжный. И развѣ егó прѣдо мно́ю, и в том пѣсана бѣша прѣдняя и задняя: и вписано бѣше в нем рыда́ние, и жа́лость, и го́ре. И рече́ ко мне: сѣне челове́чь, снеждь свѣток сей, и иди́, и рцы сѣном израѣлевым. И отверзóх уста́ мо́я, и напитá мя свѣтком сим. И рече́ ко мне: сѣне челове́чь, уста́ тво́я снесѣт и чрѣво твоѣ насы́тится свѣтка сего́ да́ннаго тебѣ: и снесѣт егó, и бысть во устех моѣх, я́ко мед, сла́док.

Священник: Вóн мем.

Чтец: Прокѣмен, глас шестый: Боя́щиися Гóспода, Благословѣте Гóспода.

Лик: Боя́щиися Гóспода, Благословѣте Гóспода.

Чтец, стих: Хвалѣте ѿмя Госпóдне, хвалѣте рабѣ Гóспода.

Лик: Боя́щиися Гóспода, Благословѣте Гóспода.

Чтец: Боя́щиися Гóспода.

Лик: Благословѣте Гóспода.

Посѣм священник чтет Евангелие.

По скончáнии же евангелскаго чтѣния чтец глаголет обы́чное послѣдование часóв (зри сноску № 11).

На изобразѣтельных пóсле кондáка среды: Пáче блуднѣицы: глаго́лется кондáк хра́ма свята́го ѿли свѣты́я.

Сла́ва Отцѹ, и Сѣну, и Свѣтóму Дѹху.

Со свѣты́ми упоко́й, Христé, дѹшы раб Твоѣх, иде́же несть болѣзнь, ни печáль, ни воздыхáние, но жизнь безконѣчная.

И ны́не, и прѣсно, и во вѣки веко́в. Ами́нь.

И чтет кондáк хра́ма Богородицы: áще же ни, глаго́лется сей:

Предстáтельство христѣан непостѣдное, ходáтайство ко Творцѹ непрелóжное, не прѣзри грѣшных молѣний гласы, но предвари́ я́ко Благáя на пóмощь нас вѣрно зовѹщих Ти: ускори́ на молѣтву и потщѣйся на умо́ление, предстáтельствующи прѣсно, Богородице, чтѹщих Тя.

На изобразѣтельных, приклóншымся нам на зѣмлю, глаго́лет настоя́тель вмѣсто отпѹста: Грядѣй Госпóдь на во́льную страсть: молѣтву си́ю:

Влады́ко Многомѣлостиве, Гóсподи Иисѹсе Христé, Бóже наш, молѣтвами Всепречѣсты́я Влады́чицы наше́й Богородицы и Приснодѣвы Марѣи: си́лою

Честнаго и Животворящаго Креста; предстательства честных Небесных Сил безплотных; честнаго славнаго пророка, Предтечи и Крестителя Иоанна; святых славных и всехвальных апостол; святых славных и добропобедных мучеников; преподобных и богоносных отец наших; святых и праведных Богоотец Иоакима и Анны, и всех Твоих святых, благоприятну сотвори молитву нашу, даруй нам оставление прегрешений наших, покрый нас кровом крилу Твоею, отжени от нас всякаго врага и супостата: умири нашу жизнь, Господи, помилуй нас и мир Твой и спаси души наша, яко Благ и Человеколюбец.

И по исполнении тоя воставшим нам, преклоняется и той к предстоящим, и просит прощения, глаголя:

Благословите, отцы святии, простите ми грешному, яже согреших во всей жизни моей, и во всей святей Четырдесятнице, словом, делом, помышлением и всеми моими чувствами.

Предстоящие же отвечают: Бог да простит ти, честный отец.

И бывает прощение по обычаю.

Послѣдование вечерни

Литургия Преждеосвященных Даров во Святую и Великую среду

Совершается послѣдование вечерни, якоже в Великий понедельник (зри сноску № 13).

На Господи, воззвах: поѣм стихирѣ самогласны⁵¹ во глас 1:

Стих: Изведи из темницы душу мою, исповѣдаться Имени Твоему.

Тебе, Девыя Сына, блудница познавши Бога, глаголаше, в плачи моляшися, яко слез достойная соделавшая; разреши долг, якоже и аз власи: возлюбил любящую, праведно ненавидимую, и близ мытарей Тебе проповѣм, Благодетелю Человеколюбче.

Стих: Мене ждут праведницы, дондеже воздаси Мне.

Многоценное миро блудница смесил со слезами, и излия на пречистей ноге Твоей, облобызаящи; оную абие оправдал еси, нам же прощение даруй, пострадавший о нас, и спаси нас.

Стих: Из глубины воззвах к Тебе, Господи, Господи, услыши глас мой.

Егда грешная приношаше миро, тогда ученик соглашашеся пребеззаконным. Овая убо радовашеся, истощая миро многоценное; сей же тщашеся продати Безценнаго. Сия Владыку познаваше, а сей от Владыки разлучашеся. Сия свободяшася, а Иуда раб бываше врагу. Люто есть лѣность, велие покаяние: еже мне даруй, Спасе, пострадавший о нас, и спаси нас.

Стих: Да будут уши Твои внимлюще гласу моления моего.

О, Иудина окаянства! зряше блудницу целующую стопы, и умышляше лѣстию, предания целование. Она власи разреши, а сей яростию вязашеся, нося вместо мира злосмрадную злобу: зависть бо не вест предпочитати полезное. О, Иудина окаянства! от негоже избави, Боже, души наша.

Глас 2: Стих: **А**ще беззаконія на́зриши, Го́споди, Го́споди, кто́ постои́т? я́ко у Тебе́ очище́ние есть.

Гре́шная течё к ми́ру, купи́ти многоце́нное ми́ро, е́же пома́зати Благоде́теля, и миропрода́телю вопи́яше; даждь ми ми́ро, да пома́жу и аз Очи́стившаго вся моя́ грехи́.

Глас 6: Стих: **И** мене ра́ди Твоего́ потерпе́х Тя, Го́споди, потерпе́ душа́ моя́ в сло́во Твое́, упова́ душа́ моя́ на Го́спода.

Погруже́ная грехо́м, обре́те Тя приста́нище Спа́сения, виждь и ми́ра со слеза́ми растворя́ющую. Тебе́ вопи́яше; виждь согреша́ющих покая́ния ожида́й: но, Влады́ко, спаси́ мя от волны́ грехо́вныя, вели́кия ра́ди Твоея́ ми́лости.

Стих: От стражи́ у́трення до но́щи, от стра́жи у́трення, да упова́ет Изра́иль на Го́спода.

Днесь Христо́с приходи́т в дом фарисе́ов, и жена́ грешница присту́пивши к нога́м, валя́шеся вопи́юще: виждь погруже́ную грехо́м, отча́яную дея́ний ра́ди, негнуша́емую от Твоея́ бла́гости, и даждь ми, Го́споди, оставле́ние злых, и спаси́ мя.

Стих: Я́ко у Го́спода ми́лость, и мно́гое у Него́ избавле́ние, и Той изба́вит Изра́иля от всех беззако́ний его́.

Простре́ блудни́ца власы́ Тебе́, Влады́ще, простре́ Иу́да ру́це беззако́нным: о́ва у́бо при́яти оставле́ние, ов же взя́ти сребреники. Те́мже Тебе́ вопие́м про́даному, и свобо́ждшему нас: Го́споди, сла́ва Тебе́.

Стих: Хвали́те Го́спода вси язы́цы, похвали́те Его́ вси лю́дие.

Приступи́ жена́ злосмра́дная и оскверне́ная, слёзы пролива́ющи, лю́бящи, Спа́се, страсть испове́дающи: ка́ко воззрю́ к Тебе́, Влады́ще? Сам бо прише́л еси́ спасти́ блудни́цу. Из гроба́ уме́ршую мя воскреси́, И́же Ла́заря воздвигну́вый из гроба́ четверо́днёвна: приими́ мя ока́янную, Го́споди, и спаси́ мя.

Стих: Я́ко утверди́ся ми́лость Его́ на нас, и и́стина Господня́ пребы́вает во век.

Отчая́ная жити́я ра́ди, и уве́домая нра́ва ра́ди, ми́ра нося́щая присту́пи Тебе́ вопи́юще: да не отве́ржеши мене́ блудную, Роди́выйся от Де́вы, да не прёзриши моя́ слёзы, Ра́досте Ангелов. Но приими́ мя ка́ющуюся, ю́же не отрёнул еси́ согреша́ющую, Го́споди, вели́кия ра́ди Твоея́ ми́лости.

Сла́ва, И ны́не: **Глас 8:**

Го́споди, я́же во мно́гия грехи́ впа́дшая жена́, Твое́ ощути́вшая Бо́жество, миронóсицы взёмши чин, рыда́ющи ми́ро Тебе́ прёжде погребё́ния прино́сит, увы́ мне́, глаго́лющи, я́ко но́щь мне́ есть разжже́ние блуда́ невозде́ржанна, мра́чное же и безлу́нное раче́ние греха́. Приими́ моя́ исто́чники слез, И́же обла́ками производя́й мо́ря во́ду. Приклони́ся к мо́им воздыха́нием серде́чным, Приклони́вый Небеса́, неизрече́нным Тво́им истоща́нием, да облобы́жү пречи́стей Тво́ей но́зе, и отру́ сия́ па́ки главы́ моёй власы́, ихже в рай Е́ва, по полу́дни, шу́мом у́ши огласи́вши, стра́хом скры́ся. Грехо́в мо́их мно́жества, и суде́б Тво́их бе́здны кто́ изсле́дит? Душеспа́сче Спа́се мой, да мя, Твою́ рабу́, не прёзриши, И́же безме́рную имее́я ми́лость.

И а́бие быва́ет вход со Ева́нгелием. Та́же священник благословля́ет вход.

Диáкон же возглаша́ет: Прему́дрость, прóсти.

Лик: Свете Тíхий:

Посём Диáкон: Вóнмем.

Свяще́нник: Мир всем.

Диáкон: Прему́дрость. Вóнмем.

Чтец: Прокíмен, глас четвёртый: Испове́дайтесь Бо́гу Небе́сному, я́ко Благ, я́ко в век мíлость Его́.

Лик: Испове́дайтесь Бо́гу Небесному:

Чтец, стих: Испове́дайтесь Бо́гу бого́в, я́ко в век мíлость Его́.

Лик: Испове́дайтесь Бо́гу Небе́сному, я́ко Благ, я́ко в век мíлость Его́.

Чтец: Испове́дайтесь Бо́гу Небе́сному.

Лик: Я́ко Благ, я́ко в век мíлость Его́.

Диáкон: Прему́дрость.

Чтец: Исхо́да чтéние.

Диáкон: Вóнмем.

Чтец: Бысть во дни мно́гия о́ны, вели́к был Моисе́й, изы́де к бра́тиям Свои́м сыно́м Изра́илевым: разумев же болéзнь их, ви́де челове́ка егíптянина би́юща не́коего евре́янина от бра́тий его́ сыно́в Изра́илевых. Обозре́вся же се́мо и ова́мо никогóже ви́де: и поразíв егíптянина, скры́ его́ в песце́. Изше́д же во второ́й день, ви́де два му́жа евре́янина би́ющихся и глаго́ла обíдящему: чесó ра́ди ты биéши íскренняго? Он же рече́: кто тя поста́ви князя и суди́ю над на́ми? Еда́ уби́ти мя ты хо́щеши, íмже о́бразом убил еси́ вчера́ егíптянина? Убо́йся же Моисе́й и рече́: а́ще си́це явлéн бысть глаго́л сей. Услы́ша же фарао́н глаго́л сей, и иска́ше уби́ти Моисе́а. Оты́де же Моисе́й от лица́ фарао́нова и всели́ся в земли́ Мадиа́мстей: прише́д же в зе́млю Мадиа́мскую, се́де при кла́дязе. Свяще́ннику же мади́амскому бе́ша семь дще́рей, пасу́щих о́вцы отца́ своего́ Иофо́ра: прише́дше же че́рпаху до́ндеже напо́лниша коры́та, напои́ти о́вцы отца́ своего́ Иофо́ра. Прише́дше же па́стырие, изгна́ша я: воста́в же Моисе́й изба́ви их, и на́лия им, и напои́ о́вцы их. Приидо́ша же к Рагу́йлу отцу́ своему́: он же рече́ им: что я́ко ускори́сте прии́ти Днесь? О́ныя же рекóша: челове́к егíптянин изба́ви нас от па́стырей, и начерпа́ нам, и напои́ о́вцы на́ша. Он же рече́ дще́рем сво́им: и где е́сть? И вску́ю си́це оста́viste челове́ка. Призови́те у́бо его́, да яст хлеб. Всели́ся же Моисе́й у челове́ка: и даде́ Сепфо́ру дщeрь свою́ Моисе́ю в жену́. Во чре́ве же заче́нши жена́, роди́ сы́на: и нарече́ Моисе́й íмя е́му, Гирса́м, глаго́ля: я́ко пришле́ц есмь в земли́ чужде́й. Ещé же заче́нши роди́ сы́на второ́го, и нарече́ íмя е́му, Елиезе́р, глаго́ля: **Бог** бо Отца́ моего́ помо́щник мой, и изба́ви мя от руки́ фарао́новы.

Посём диáкон: Вóнмем.

Чтец: Прокíмен, глас четвёртый: Го́споди, мíлость Твоя́ во век, дел руку́ Твое́ю не прéзри.

Лик: Гóсподи, мѣлость Твоя во век, дел рукú Твоєю не прѣзри.

Чтец, стих: Исповѣмся Тебѣ, Гóсподи, всем сѣрдцем моим, и пред Ангелы воспою Тебѣ.

Лик: Гóсподи, мѣлость Твоя во век, дел рукú Твоєю не прѣзри.

Чтец: Гóсподи, мѣлость Твоя во век.

Лик: Дел рукú Твоєю не прѣзри.

Посѣм возглашает диáкон: Повелите.

Священник же, взем обѣма рукама кадильницу и свѣщник со свещєю, стоит пред святою трапѣзою, зря к востоком и назнаменуя крест, глаголет: Премудрость, прости. Таже, обратясь на запад, к народу глаголет: Свет Христóв просвещает всех.

Чтец: Йо́ва чтѣние.

Диáкон: Вóнмем.

Чтец: Бысть я́ко день сей, и приидо́ша Ангели Бóжии предстáти пред Гóсподем: и диáвол прииде посреде́ их предстáти пред Гóсподем. И рече́ Гóсподь диáволу: отку́ду ты гряде́ши? Тогда́ рече́ диáвол пред Гóсподем: проше́д поднебе́сную, и обше́д всю зѣмлю, приидо́х. И рече́ Гóсподь к диáволу: внял ли еси́ у́бо (мы́слию твоєю́) рабу́ Моему́ Йо́ву? я́ко несть та́кова от сущи́х на землѣ; челове́к незло́бив, ѣстинен, непоро́чен, благочестѣив, удаля́йся от всякаго зла, ещѣ́ же придержи́тся незло́бия: ты же рекл еси́ имѣ́ния егó погуби́ти вотще́. Отвеща́в же диáвол Гóсподеви, рече́: ко́жу за ко́жу, и вся ели́ка ѣмать челове́к, даст за ду́шу свою́. Обáче послѣ́ рукú Твою́, и косни́ся костѣм Егó, и плоти́ Егó, а́ще не в лице́ Тя благослови́т. Рече́ же Гóсподь диáволу: се предаю́ ти егó: то́кмо ду́шу егó соблюди́. Изыде же диáвол от лица́ Гóсподня, и порази́ Йо́ва гно́ем лю́тым от ног да́же до главы́. И взя (Йов) чреп, да острога́ет гной свой, и той седи́аше на гно́ищи вне гра́да. Вре́мени же мно́гу мину́вшу, рече́ к нему́ жена́ егó, глаго́лющи: доко́ле терпи́ши? се пожду́ вре́мя ещѣ́ мало, ча́ючи наде́жди спасе́ния моего́: се бо потреби́ся от землѣ́ па́мьть твоя́, сынове твоя и дщѣ́ри, моего́ чре́ва боле́зни и труды́, ѣмиже вотще́ трудѣ́хся с боле́зными: ты же сам в гно́и черве́й седи́ши, обноще́вая вне без покрóва, и аз скита́ющися и служа́щи, ме́сто от ме́ста прехо́дящи, и дом от до́му, ожида́ющи со́лнца когда́ зайдѣ́т, да почи́ю от трудо́в моих, и от боле́зней, я́же мя ны́не обде́ржат. Но рцы́ глаго́л не́кий ко Гóсподу, и умри́. Он же воззрѣ́в рече́ к ней: вску́ю бо еди́на от безу́мных жен возглаго́лала еси́? а́ще благая́ прияхом от руки́ Гóсподни, злых ли не стерпи́м? Во всех сих приключи́вшихся ему́, ничѣ́мже согрѣши́ Йо́в устна́ма пред Бо́гом, (и не даде́ безу́мия Бо́гу).

И по исполне́нии парѣмий глаго́лет священник: Мир ти.

Диáкон: Премудрость.

Чтец же поёт: Да исправится моли́тва моя́: по обычаю́ (зри *сноску № 14*).

Посѣм три покло́ны вели́кия с моли́твой Свята́го Ефре́ма: Гóсподи и Влады́ко животá моего́: Та́же приѣм диáкон от рукú священника Свято́е Ева́нгелие, исхо́дит ца́рскими враты на амво́н, предхо́дящим ему́ свещáм, и полага́ет е на анало́гий.

Священник же, стоя пред святою трапезою, и зря к западу, возглашает:

Премудрость, прости, услышим Святаго Евангелиа. Мир всем.

Лик: И духови твоёму.

Диакон: От Матфеа Святаго Евангелиа чтение.

Лик: Слава Тебе, Господи, слава Тебе.

Священник: Вонмем.

Диакон: Во время оно, Иисусу бывшу в Вифании в дому Симона прокаженного, приступи к Немю жена сткляницу мира имущи многоценнаго, и возливаше на главу Его возлежаща. Видевше же ученицы Его, негодоваша, глаголюще: чesо ради гибель сия бысть? Можаше бо сие миро продано быти на мнозе, и датися нищим. Разумев же Иисус рече им: что труждаете жену? дело бо добро содела о Мне. Всегда бо нищия имате с собою: Мене же не всегда имате. Возлиавши бо сия миро сие на тело Мое, на погребение Мя сотвори. Аминь глаголю вам: идеже аще проповедано будет Евангелие сие во всем мире, речется, и еже сотвори сия, в память ея. Тогда шед един от обоюнадесяте, глаголемый Иуда Искаротский, ко архиереем, рече: что ми хотите дати, и аз вам предам Его? Они же поставиша ему тридесать сребренник. И оттоле искаше подобна времени, да Его предаст.

Лик: Слава Тебе, Господи, слава Тебе.

И прочее последование Преждеосвященной. После возгласа: Благословение Господне на вас: иерей произносит последний раз в посту молитву Святаго Ефрема Сирина: Господи и Владыко живота моего: и поклоны великия три.

Последование малаго повечерия во Святую и Великую среду.

И совершаем последование Его по Часослову.

Начало обычное. По Отче наш:

Священник: Яко Твое есть Царство:

Чтец: Аминь. Господи, помилуй. (12). Слава, и ныне: Приидите, поклонимся: (Трижды). Псалмы 50, 69, 142.

Славословие всендневное: Слава в вышних Богу, и на земли мир: Таже: Сподоби, Господи, в ночь сию:

После Верую во Единого Бога Отца Вседержителя: поем трипеснец, глас 6, господина Андрея, Великаго четвертка.

Песнь 4

Ирмос: Услыша пророк пришествие Твое, Господи, и убояся: яко хощеши от Девы родитися, и человеком явитися, и глаголаше: услышах слух Твой, и убояхся, слава силе Твоей, Господи. (Дважды).

Припев: Слава Тебе, Боже наш, слава Тебе.

Горница посланная прият Тя, Создателя и стайники, и тамо пасху скончал еси, и тамо соделал еси тайнства: тамо бо двема посланома ныне ученикома Твоима, Пасха уготовася Тебе.

Сла́ва Тебе́, Бо́же наш, сла́ва Тебе́.

Иди́те ко о́нсице, вся Ве́дый предглаго́лет апо́столом, и блаже́н есть, и́же мо́жет ве́рно при́яти Го́спода: го́рницу у́бо се́рдце предъугото́вав и ве́черю благоче́стие.

Сла́ва Тебе́, Бо́же наш, сла́ва Тебе́.

Нрав сребролю́бия, и о́браз твой безу́мия испо́лнь, несмы́сленный Иу́до: вве́рен бо быв еди́н то́кмо ковче́зцу, вся́ко не прекло́нился еси́ к ми́лосе́рдию: но заклю́чил еси́ жесто́каго твоего́ се́рдца утробу́, преда́в Еди́наго Благоутро́бнаго.

Сла́ва Тебе́, Бо́же наш, сла́ва Тебе́.

Нрав богоуби́йц прода́нию сребролю́бца сме́сивыйся: ов у́бо ко уби́ению воору́жися, ов же к се́бреником устремля́шеся: удавле́нием бо то́гда предразсудив покая́ние зле, е́же жи́ти лиш́йся.

Сла́ва Тебе́, Бо́же наш, сла́ва Тебе́.

Лобыза́ние испо́лнено лъсти, е́же ра́дуйся, со ору́жием, льсти́вый Иу́до: язы́ком у́бо провещава́еши я́же к соедине́нию, нра́вом же помава́еши к разсто́йнию: предати бо беззако́нником Благоде́теля ле́стне поучи́лся еси́.

Сла́ва Тебе́, Бо́же наш, сла́ва Тебе́.

Лобыза́еши и прода́еши, Иу́до, целу́еши и не стыди́шися, ле́стною притеки́й. Кто ненави́дя лобыза́ет треокая́нне? Кто лю́бя прода́ет на цене́? Лобыза́ние твоего́ безсту́днаго злосове́тия облича́ет произво́ление.

Сла́ва Отцу́, и Сы́ну, и Свято́му Ду́ху.

Неразде́льное существо́м, неслитное Ли́цы, благословлю́ Тя, Тро́ическое Еди́но Бо́жество, я́ко единоца́рственное и сопресто́льное, вопию́ Тебе́ песнь вели́кую, в ви́шних трегу́бо песносло́вимую.

И ны́не, и при́сно, и во ве́ки веко́в. Ами́нь.

Зача́тие па́че сло́ва, Рожде́ство Твое́ па́че естества́, Богороди́тельнице: о́во у́бо от Ду́ха без се́мене, о́во же зако́нов естества́ тая́щееся, я́ко нетле́нно, и па́че естества́ вся́каго рождéния: Бог бо ражда́емое.

Та́же, о́ба ли́ка вку́пе пою́т ирмо́с: Услы́ша проро́к:

Го́споди, поми́луй. (Три́жды). Сла́ва, и ны́не:

Седа́лен, глас 4:

Подóбен: Яви́лся еси́ Днесь:

Ядый, Влады́ко, со учени́ки Твои́ми, та́инственно яви́л еси́ все́святое Твое́ заколе́ние, и́мже тли изба́вихомся, честна́я Твоя́ почита́ющим страда́ния.

Песнь 8

Ирмо́с: Егóже во́инства небéсная сла́вят, и трепещу́т Херувими́и и Серафими́и, вся́ко дыха́ние и тварь, по́йте, благослови́те и превозноси́те во вся ве́ки. (Два́жды).

Сла́ва Тебе́, Бо́же наш, сла́ва Тебе́.

Законное скончав повеление, скрижали законныя написавый в Синаи, снede
убо пасху древнюю и сеновную, бысть же Пасха тайная и живожертвенная.

Слава Тебе, Боже наш, слава Тебе.

От века сокровенную, Христe, Премудрость тайноводя, показал еси купно
всем апостолом, Спасе, на вечери, юже церквам предаша богоноснии.

Слава Тебе, Боже наш, слава Тебе.

Един от вас лестию предаст Мя, евреem продав в ночь сию, сие Христос
возопив смущаше други: тогда един ко единому недоумеваяся колебашеся.

Слава Тебе, Боже наш, слава Тебе.

Смирився нас ради Богатый, от вечери востав, лентий прием, сим
препоясался еси, и приклонь вью, омыл еси ноги учеников и предателя.

Слава Тебе, Боже наш, слава Тебе.

Паче ума, и неизреченна разума высотe Твоей, Иисусе, кто не удивится! яко
брению предстал еси, Содетелю всяческих, омываяubo ноги, отирая же и
лентием.

Слава Тебе, Боже наш, слава Тебе.

Ученик, егоже любляше Господь, на перси возлег рече к Немy: кто есть
предай Тя? Христос же ко оному: сей вложивый в солило ныне руку.

Слава Тебе, Боже наш, слава Тебе.

Ученик хлеб приемый, по хлебе отлучается, проданию поучаясь, течет ко
иудеem, глаголет беззаконным: что мне хотите дати, и аз Его вам предам?

Благословим Отца, и Сына, и Святаго Духа, Господа.

Единаго Бога по существу чту, три Ипостаси пою определительне, иныя, но
не инаковыя: понеже Божество едино, в трех Лицах, ибо Отец, и Сын, и
Божественный Дух.

И ныне, и присно, и во веки веков. Аминь.

Избави нас, Иисусе Спасе наш, от лести лукаваго, и напасти, прими
Богородицу молящуюся непрестанно: Мати бо есть, и может Тя умолити.

Хвалим, Благословим, покланяемся Господеву, поюще и превозносяще во вся
веки.

Таже оба лика вкупе поют ирмос: Егоже воинства Небесная славят:

Песнь 9

Ирмос: Безсеменнаго зачатия Рождество Несказанное Матере безмужныя
нетленен плод: Божие бо Рождение обновляет естества. Темже Тя вси роди, яко
богоневестную Матерь, православно величаем. (Дважды).

Слава Тебе, Боже наш, слава Тебе.

Великое таинство Твоего вочеловечения, на вечери совозлежашу Тебе
учеником Твоим, Человеколюбче, открыв рекл еси: ядите хлеб животный верою,
пийте и кровь излианную от богоробреннаго закления.

Сла́ва Тебе́, Бо́же наш, сла́ва Тебе́.

Сень небéсная яв́ися го́рница, иде́же Па́сху Христо́с соверши́: ве́чера безкро́вная и словéсная служба, трапéза же та́мо соверше́нных та́ин, мы́сленный же́ртвенник.

Сла́ва Тебе́, Бо́же наш, сла́ва Тебе́.

Па́сха Христо́с есть вели́кая и всече́стная, снеде́н быв я́ко хлеб: закла́н же я́ко овча́: Той бо вознесе́ся о нас же́ртва: Того́ те́ла благоче́стно, и Того́ кро́ве вси та́йно причаща́емся.

Сла́ва Тебе́, Бо́же наш, сла́ва Тебе́.

Хлеб благосло́влив, хлеб сый Небе́сный, благодарив Отцу́ родите́лю, прие́мый, и ча́шу ученико́м дава́л еси́: приими́те, яди́те, вопия́, си́е есть те́ло Моё́, и кро́вь нетле́нная жи́зни.

Сла́ва Тебе́, Бо́же наш, сла́ва Тебе́.

Ами́нь глаго́ля, рече́ ро́ждиям Лоза, апо́столом Христо́с и́стина: отсе́ле не и́мам пи́ти от лозы пи́тиё, до́ндеже пию́ е но́вое, во славе Отца́ Моего́, с ва́ми, насле́дники мои́ми.

Сла́ва Тебе́, Бо́же наш, сла́ва Тебе́.

Прода́еши на три́десятих сре́бреницех Го́спода и не помышля́еши, Иу́до беззако́нный, ве́чера та́инство, или́ честное́ умо́вение. О ка́ко попóлзся паде́нием, в ко́нecь све́та пришёл еси́, удавле́ние облобыза́в!

Сла́ва Тебе́, Бо́же наш, сла́ва Тебе́.

Ру́це простёрл еси́, и́миже хлеб прия́л еси́ нетле́ния, прия́ти сре́бреники, уста́ к целова́нию принося́ льсти́вно, и́миже те́ло Христо́во и кро́вь прия́л еси́: но го́ре Тебе́, я́коже рече́ Христо́с.

Сла́ва Тебе́, Бо́же наш, сла́ва Тебе́.

Христо́с учреди́ мир, Небе́сный и Боже́ственный Хлеб: Прииди́те у́бо христолю́бцы, брeнными устна́ми, чи́стыми же се́рдцы, при́йдем ве́рно жре́мую Па́сху, в нас священноде́йствуемую.

Сла́ва Отцу́, и Сы́ну, и Свято́му Ду́ху.

Отца́ просла́вим, Сы́на превознесём, Боже́ственному Ду́ху ве́рно поклонимся, Тро́ице Неразде́льной, Еди́нице по существу́: я́ко Све́ту и Све́том, и Животу́ и Живото́м, Животворя́щему и просвеща́ющему концы́.

И ны́не, и при́сно, и во ве́ки веко́в. Ами́нь.

Чертóг Небе́сный, и Невéста Присноде́ва, еди́на яви́лася еси́, Бо́га носивши, ро́ждши же непрелóжно, из Тебе́ вопло́щенна. Те́мже Тя вси ро́ди, я́ко Богоневéстную Ма́терь, правосла́вно велича́ем.

Та́же о́ба ли́ка вку́пе пою́т ирмо́с: Безсе́меннаго зача́тия Рожде́ство. Несказанное:

Трисвято́е, по О́тче наш.

Свяще́нник, возглас: Я́ко Твое́ есть Ца́рство:

Чтец: АМѢНЬ.

Таже, кондак, глас 2: Хлеб приѣмъ в рѹце предатель, сокровѣнно тыя простирает, и приѣмлет цѣну Создавшаго Своима рукама человека, и неисправлен пребысть Иѹда раб и льстец.

Господи, помилуй. (40). И молитву сию:

Иже на всякое время и на всякий час: и прочая по Часослову.

По окончании послѣдования малаго повечерия священник возглашает: Слава Тебѣ, Христѣ Бѣже, упование наше, слава Тебѣ.

Лик: Слава, и ныне: Господи, помилуй. (Трижды). Благослови.

Священник: Христос, Истинный Бог наш:

Лик: АМѢНЬ.

Посѣм священник глаголет:

Помолимся о Великом Господине и Отцѣ нашем Святѣйшем Патриархе Кириллѣ и о Господинѣ нашем Преосвященнейшем митрополитѣ (или архиепископѣ, или епископѣ) (имярек).

Лик: Господи, помилуй. (На каждое прошение).

О Богохранимѣй странѣ нашей, властѣх и воинствѣ ея.

О ненавидящих и любящих нас.

О милующих и служащих нам.

О заповѣдавших нам недостойным молѣтися о них.

О избавленіи плененных.

О отшедших отцѣх и брѣтиях наших.

О в мѣри плавающих.

О в немощех лежащих.

Помолимся и о изобилии плодов земных.

И о всякой души христіан православных.

Ублажим православныя архіереи и ктіторы Святаго храма сего.

Родители наша, и вся прежде отшедшія отцы и брѣтию нашу, zde лежащія, и повсюду, православныя.

Священник: Рцем и о себѣ самѣх.

Лик: Господи, помилуй. (Трижды).

Священник: Молѣтвами святых отцѣх наших, Господи Иисусе Христѣ, Бѣже наш, помилуй нас.

Лик: АМѢНЬ.

Конѣц малаго повечерія.

* * *

51 стихіры самогласны – 2

◀ Служба во Святой и Великий
Вторник

Служба во Святой и Великий
Четверг ▶

★★★★★ 5 / 6

CACKLE



Оставьте свой комментарий...



Новые



КОММЕНТАРИИ ДЛЯ САЙТА CACKLE